

Bréf fjármálaráðuneytisins til tollstjórans í Reykjavík um notkun heimildar tollskrárlaga til að lækka aðflutningsgjöld af flugeldum til slysavarna og öryggisþjónustu. 34
13. marz

Hér með tilkynnist yður, herra tollstjóri, að ráðuneytið hefur ákveðið að nota heimild þá, sem fellst í athugasemd við nr. 6 í 34. kafla tollskrár, sbr. 6. lið laga nr. 108/1951, og lækka þannig af eftirgreindum flugeldum vörumagnstoll niður í 2 auru af kg og verðtoll af þeim niður í 2%, þó þannig, að við þessa tolla bætist gildandi tollviðaukar, sbr. lög nr. 91/1952:

1. Flugelda, sem Slysavarnafélag Íslands flytur inn og gefur yfirlýsingar um að eingöngu verði notaðir til slysavarna.
2. Flugelda, sem flugmálastjórnin flytur inn og gefur yfirlýsingu um að eingöngu verði notaðir til slysavarna og öryggisþjónustu við flug og flugstarfsemina.
3. Flugelda, sem samkvæmt reglum um eftirlit með skipum og öryggi þeirra skuli tilheyra hjargtækjum skipanna:
 - a. ef hlutaðeigandi innflytjandi hefur fengið samþykki skipaskoðunarstjóra fyrir tegund þeirri og gerð, sem hann flytur inn, og
 - b. innflytjandinn gefur yfirlýsingu um það í aðflutningsskýrslu, að flugeldarnir verði einungis seldir til skipa.

Bréf fjármálaráðuneytisins til tollstjórans í Reykjavík, varðandi eftirgjöf á verðtolti af ósöguðum trjáviði í fisktrönur. 35
13. marz

Í 1. gr. 7. lið laga nr. 31 frá 17. febr. 1953, um breyting á lögum nr. 62 30. des. 1939, um tollskrá o. fl., er fjármálaráðuneytinu heimilað að fella niður verðtoll af ósöguðum trjáviði í fisktrönur.

Er yður hér með tilkynnt, herra tollstjóri, að ráðuneytið hefur ákveðið að nota ofangreinda heimild.

REGLUGERÐ

um breyting á hafnarreglugerð fyrir Ólafsvíkirkauptún, nr. 39 25. febr. 1952. 36
15. jan.

1. gr.

Á 30. gr. reglugerðarinnar eru gerðar eftirtaldar breytingar:

1. Á eftir orðunum „bolfiskur óslægður“, í 1. flokki, bætist við: nýveidd síld.
2. Í stað orðanna „fryst og ófryst síld“, í 3. flokki, komi: fryst og söltuð síld.

2. gr.

Við 38. gr. bætist: og skal sá aðili, sem aflann kaupir, halda vörugjaldinu eftir af andvirði aflans við útborgun og standa hafnarsjóði skil á greiðslu þessari mán- aðarlega.

- 36 15. jan. Reglugerð þessi staðfestist hér með samkvæmt lögum nr. 29 23. apríl 1946, um hafnargerðir og lendingarbætur, til að öðlast þegar gildi, og birtist til eftirbreytni öllum þeim, sem hlut eiga að máli.

Samgöngumálaráðuneytið, 15. janúar 1953.

Ólafur Thors.

Páll Pálmason.

- 37 28. jan. Staðfesting forsetans á skipulagsskrá fyrir „Gjafasjóð Aðalsteins Kristjánssonar, byggingameistara í Winnipeg“, útgefin á venjulegan hátt að mandatum af dómsmálaráðherra 28. janúar 1953.
Skipulagsskráin er þannig:

SKIPULAGSSKRÁ

fyrir sjóðstofnun Aðalsteins Kristjánssonar, byggingameistara í Winnipeg, er andaðist 14. júlí 1949, samín af skiptaforstjórunum í búi hans, samkvæmt fyrir-mælum í erfðaskrá hans.

1. gr.

Nafn sjóðsins er: Gjafasjóður Aðalsteins Kristjánssonar, byggingameistara í Winnipeg, til styrktar áhuga fyrir sundiðkun á Íslandi og björgun frá drukknun í sjó.

2. gr.

Stofnfé sjóðsins er samgildi Can. \$ 1000 — eitt þúsund Canada dollara — í ís-lenzkum krónum, og hefur fjárhæð þessi verið yfirfærð og henni varið til kaupa á veðdeildarbréfum Landsbanka Íslands, með núverandi verðgildi þeirra í kaupum og sölu, þannig að verðbréfaeign sjóðsins nemur ísl. kr. 21 000 í veðdeildarbréfum. Þegar bréf sjóðsins eru dregin út, skal kaupa ný veðdeildarbréf í staðinn.

Verðbréfaeign sjóðsins áritast um að þau séu eign sjóðsins.

3. gr.

Fyrstu ársvöxtunum af sjóðnum, eftir að hann tekur til starfa, skal varið til kaupa á farand-keppnisbikar, er menn, búsettir á Íslandi, keppa um árlega í sundi og björgun frá drukknun í sjó. Sú keppni skal haldin árlega á þeim stað og samkvæmt þeim reglum, er umráðamenn sjóðsins ákveða.

Síðan skal ársvöxtum sjóðsins jafnan varið til verðlauna fyrir sundafrek eða björgun úr sjó, er skiptast og úthlutast á þann hátt, er umráðamenn sjóðsins ákveða.

4. gr.

Landlæknirinn á Íslandi, eða sá maður, er gegnir tilsvarendi embætti síðar, skal vera sérstakur trúnaðarmaður sjóðstofnunarinnar og skal afhenda honum eignir sjóðsins til ávöxtunar, svo hann geti varið árlegum tekjum hans á þann hátt, er að ofan greinir.

Þessum aðaltrúnaðarmanni sjóðsins er skylt að tilnefna tvo aðra menn með sér, sem sameiginlega trúnaðarmenn sjóðsins, er starfa með honum sem ráðunautar.